



# 臺灣文獻匯刊

第四輯 ◎ 第十一冊

觀海集  
守硯庵詩稿  
荷華生詞  
雜文詩輯鈔

◎◎九州出版社  
◎廈門大學出版社

# 觀海集

劉家謀撰

## 觀 海 集

《觀海集》，四卷，劉家謀撰。劉家謀，字芑川，侯官人，道光十二年（1832年）舉人。屢上公車不第，乃司訓于寧德東洋學舍，咸豐二年遷臺灣教諭。旅居濱海之地，發抒胸中之情，遂成此集。是書收入《芑川先生合集》本中，原藏福建省圖書館。《臺灣文獻叢刊》曾收有劉家謀的《海音詩》，《觀海集》是劉家謀的另一部有關臺灣的詩集。

觀  
海  
集

觀  
海  
集

臺匪滋事芑川力疾守陣病暑卒至於  
遇賊遺物盡失而此一卷者棄擲絕  
求之久而後出毋亦有神靈呵護之耶五年中江河日  
下相習爲固然言之不勝言哭之不勝哭芑川若在不  
以勞死亦當以愁死嗚乎其忍見忍聞耶天生人與以  
才不使展其才不使盡若有意若無意如芑川者天  
下諒不一二數而獨使其奔走微祿孤寄萬里兄弟妻  
子朋友之屬生不得見死不得訣海風叫嘯怪鳥成羣  
四顧無人垂絕猶視嗚乎誰不爲吾芑川悲者而况相

知之深如予者乎爲天下惜才爲吾友惜文章爲吾惜  
知己掩卷徬徨淚泫泫而終日不能已嗚乎悠悠地下  
其亦知之耶吾先子死子定吾文言猶在耳百身莫贖  
吾其忍定芑川之文耶况又益之以身世無窮之感哉  
咸豐戊午孟春長樂愚弟謝章鋌頓首敬序

題詞

枚如以芑川遺詩見示謹題二律

宜黃符兆綸雪樵

袞袞登臺省閒曹官鄭公文章傳海外事業在山中出處有本末死生無異同九原書一紙想見泣難窮

時事久莫問夫君身殉之嘻堂驚燕雀渡海怪蛟螭我有千秋淚君存一卷詩如何空太息不得訂交期

芑川予同

年友未識面

訪得先兄海外遺詩感作

同懷弟永松筠川



重泉骨肉分離後，隔海彌留尙有詩。  
心血半生於此盡，英靈應許得同歸。

讀芑川九兄觀海集敬賦

堂弟勳贊軒

況瘁報君國，微臣敢告勞。  
但祈賢子弟，可與續風騷。  
老淚滄波涌，歸魂海日高。  
應知憐後死，門戶日滔滔。

恭題外舅觀海集

婿邱璜少萃

出處原由別有真，小官誼與古人親。  
生平歷落欽寄意，都向風塵死後伸。

語苦祇緣家，國累情多半。  
爲別離牽無窮，豪竹哀絲。


感夜夜蛟螭泣海天

恭書九叔觀海集

堂姪齊蓮 本波

點點孤兒淚方期阿叔知頓成千古別僅剩一篇詩滄  
海珠能合門庭燕苦饑未曾接遺語開卷不勝悲

觀海集



觀海集第一

詩存三

侯官劉家謀芑川

已酉下

度嶺寄東洋諸同志

千盤白鶴入青霄回首鸞江影已遙  
厚意都應增我愧別魂真欲爲君銷  
重尋舊雨知何日獨對寒雲奈此宵  
惟有狂吟聲不斷還隨流水過谿橋

江樓題壁

鹿鹿風塵氣不豪幾年低首困閒曹  
昨宵銀燭金罇下

照見橫雲舊寶刀

眞珠簾捲雨瀟瀟眼底江山不自聊怕有狂名驚海國  
酒懷未敢過三蕉

七里瀧邊黃四娘琵琶當日奏伊涼江湖倦矣風雲散  
一聽檀槽淚萬行

施怡巖

邦鎮

三丈屢過譚詩

紅塵滿眼逼炎暉幽坐閒吟客到稀我欲遠游君已老  
不妨日日斂荆扉

居東洋畜一犬旣歸遣之不去

關河三百里跋涉共南歸問爾情何戀隨余計恐非雄  
心猶自起健足更如飛不向長楊獵投閒伴掩扉

五月二十八夜紀事

風波百尺自潺湲醉裏何知道路艱不使騎鯨竟歸去  
謫仙從此又人間

廿年

廿年低首倘前因鄧禹何須苦笑人未必飛騰真有補  
敢云偃蹇本難伸愁多時亦關家國語苦徒教泣鬼神  
手握白雲向誰贈閉門只合謝風塵

鄭二樓窮愁賴七子瑩貧近聞多病臥邊垠九原那更哀

張甫許秋史秋一代誰將重越閩命薄空餘同輩歎調孤自

與古人親相如往日凌雲筆醉後重看尙有神

北谿漁者詩為余秀才文勳題

一代風雲氣未平酒邊往日對張衡能詩弟子俱憔悴

不獨山陽笛裏情

秋日雜感

同居而離心咫尺亦秦越不如千里夢猶有哀思發長

橋駕銀灣歡會胡未歇焉知桂宮娥抱影望孤月

浮雲斂晴空死魄有時泮故人萬夫氣零落墮寒卉  
鼯爭叫囂斯文豈不偉可憐鮑家詩徒唱秋墳鬼  
杜陵一布衣許身比稷契歌詩草堂中自寫肝肺熱干  
秋萬歲名爲計亦已拙暮雲隔江東尊酒何從說  
太白謫仙人耽杯乃其寄世無鏡湖叟解龜誰與醉白  
日望長安睠焉欲垂涕廁名在飲中淒絕平生意  
豫讓國士姿報讎爲知己擊衣恨未伸伏劍悲何已駿  
足得良工奮身隨所使烏庠范中行眾人遇臣耳

筠川良馬死詩以悼之



支遁重神駿平生癖太奇  
甯無流俗笑難得絕羣  
俊  
折坂多險千金臺已墮  
龍乎不見尾長嘯海風悲

別筠川弟

神駿姿能斂離鴻影又開  
風塵增我老歲月練君才  
半載連牀共千程去權催  
茫茫浮海意回顧益低徊

別內

別情惻惻半年餘今日真  
成去故閭已分相思深似  
海不知到海更何如

出門